



Minister di Turismo, Transporte y Labor Otmar Oduber

A trece e sector di pesca back riba pia

ORANJESTAD (AAN): Durante e ceremonia di e desvelo di e Monumento di Piscadornan Perdi riba Lama, Minister Otmar Oduber a ricibi palabranan bunita di

elogio for di Promer Minister Mike Eman y colega Minister Benny Sevinger.

Na momento cu Minister Otmar Oduber a asumi su responsabilidad, el a traha duro pa pone sector primario, esta Agricultura, Cria y Pesca, back riba pia.

E proyecto pa honra e piscadornan cu a perde riba lama, a worde anuncia un aña pasa riba e dia cu a celebra Dia di Piscador. E mandatario a haya hopi importante pa conmemora esnan cu a traha duro pa trece pida pan cas pa nan famianan y cu a perde riba lama.

Durante e atardi aki Minister Benny Sevinger cu tambe a aporta pa haci e proyecto aki posibel, a dirigi palabranan elocuente den direccion di Minister Oduber, dunand'e elogio pa a traha duro pa pa pone e industria di pesca back riba pia, brindando tur esnan cu ta traha como piscador e oportunidad pa por pone un pida pan back riba mesa pa nan famianan.

Minister Oduber a haci su maximo esfuerzo pa por a trece Santa Rosa, pues e sector di Agricultura, Cria y Pesca back na bida. Mas aun mirando e importancia di nos piscadornan den e caso aki.

Igualmente, Prome Minister Mike Eman a duna su sosten na e mandatario cu a tuma e iniciativa pa duna honor na esnan cu ta piscador sea ta como ofishi of trabao. Manera Promer Minister a splica, 'pesca den tur sentido ta e trabao di mas peligroso', pero piscadornan ta traha duro pa hiba un entrada pa nan famianan.

Premier Eman su palabranan pa Minister Oduber tabata palabranan humilde y bunita, unda cu e ta indica cu e iniciativa cu Minister Oduber a tuma pa duna e famianan un oportunidad pa por mira e nomber di nan ser keri marca pa semper. Mas aun Minister President ta elogia e atencion duna na e mundo di piscador.